



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus III. De actionibus prohibitis in feriis Sacris.

[urn:nbn:de:hbz:466:1-73001](#)

votum; talem diem celebrandi solenniter etiam in foro, & choro, obligabuntur quidem in vi voti; non in vi legis potestate jurisdictionis gubernativæ conditæ; securus est, si deinde, assensu, & potestate Ordinarii, tali die indicentur feriae Sacrae; sed tum obligatio non tantum es- set ex voto, sed etiam lege, sed Ecclesiasticâ.

815. Dices. 6. ergo saltem poterunt induci tales feriae potestate laicâ per consuetudinem. Resp. cum dist. & concedo illatum, si accedat consensus Ordinarii expressus, vel tacitus; nego autem, hoc secluso. Nam, ut recte tradit Suarez *cit. tom. 1. l. 12. c. 4. n. 5.* consuetudo, vim legis obtinens, à nemine induci potest, nisi de consensu saltem tacito, & legali eius, qui potest expressè talem legem condere, ut pluribus dictum est *l. 1. tit. 4. de consuetud.*

ARTICULUS III.

De actionibus prohibitis in feriis Sacrais.

816. EX actionibus, aliæ sunt serviles, & mechanicae, alia liberales: de utroque genere agunt. Theologi morales in præceptis primæ tabulæ; nos breviter exponemus, quæ ad illa pertinent, transituri subinde ad illa, quæ hoc titulo specialiter memorantur, ut sunt mercatus, & judicia; hæc enim specialiter pertinent ad hunc locum, iis, quæ concernunt matrimonia certis feriis celebrari solenniter prohibita, translati ad lib. 4. ubi de hoc ex professo, quando exponitur impedimentum, quod explicatur per Ecclesia vetitum, & dies feriatos.

¶. I.

De his, quæ positivè præcepta sunt diebus festis.

817. CUM ex dictis constet, in observacione feriarum Sacrarum, quæ supponunt pro festis ab Ecclesia præscriptis, ut

celebrentur tam in foro, quam in choro, duo præcipi, auditionem missæ, & abstinentiam à servilibus; ambo autem tendant ad hoc, ut talis dies sanctificetur (juxta illud Exod. 20. memento, ut diem Sabathis sanctifices) videtur, principaliter esse præceptum positivum, quanquam de materiali re ipsa importet omissionem servilium, sed eo fine, ut diei Sanctitas operatione, & omissione, sanctificetur, hoc est, sanctis exercitiis transfigatur; unde dici poterit formaliter positivum, materialiter negativum, adeoque mixtum expositivo, & negativo; de primo dicemus hoc §. de reliquis in seqq.

Primum igitur, quod quæ positivum præcipit, est auditio missæ; quam materiali ex professo tradidimus in præceptis primæ tabulæ. Quæstio autem est, an præter auditionem missæ præcipiatur in his feriis, sacra Communio, saltem Paschalis? 2. an aliqua Oratio? 3. an concionis auditio? 4. an aliquæ oblationes facienda? 5. an aliqui actus charitatis? 6. an poenitentia de peccatis? Ad. 1. Resp. ex vi præcepti positivi de celebratione Festorum, non præcipi, etiam Communionem Paschalem determinatè ullo die festo; ita Suarez *tom. 1. de Relig. l. 2. de festis, c. 16. n. 2.* Nam, quod semel in anno teneamur lumere Sacram Eucharistiam, est ex vi præcepti divini; non, celebrandi festa; tempus autem Paschale determinavit Ecclesia in c. *omnis utriusque, de penitent. & remiss. relictâ libertate sumendi eam, etiam extra diem festum intra Paschale tempus, quo clauduntur plures dies non festivi.*

Ad 2. Resp. alias esse orationes quas celebrans dicit in missa non suo, sed Ecclesiæ nomine; alias, quæ sunt extra missam; ad has igitur præceptum celebrandi festum non obligat; et si merito consuluntur; ad eas vero solùm, ut illis cum debita attentione, ac reverentia intersint. Unde quando dicitur, ab itinerantibus missam, & orationes non esse intermitendas, non est sermo de orationibus extra missam; quamvis enim missa, & orationes, videantur supponere pro distinctis, intelligendum tamen est de missa, in quantum supponit pro sacrificio; à quo distinctæ sunt ipsæ orationes, quæ à Sacerdote dicuntur intra missam; hæc enim

Dd 2

enim *sacrificio* superaddit plures preces, Ecclesiæ nomine dicendas, concomitando *Sacrificium*. Confirmari hoc totum potest, ex c. *missas*. 64. dist. 1. de *consecr.* ibi: *missas*, die Dominico, secularibus totas audire, speciali ordine, præcipimus: ita ut ante benedictionem Sacerdotis egredi populus non presumat. Quod si fecerint, ab Episcopo publicè confundantur; Orationes enim illæ spectant ad integratatem Missæ.

820. Ad 3. Resp. ex vi præcepti observandis festis, & per se loquendo, non esse sub obligatione, *concionem* audire; ita Suarez cit. c. 16. n. 6. & plures alii; nam nulla obligatio, ex vi alicujus legis, vel præcepti, dicenda est incumbere subditis per ordinem ad aliquam actionem determinatam, quam nec ipsa lex exprimit, nec necessitas statuendi legem exigit; sed lex celebrandi festa non exprimit obligacionem, ad actum determinatè audiendi concessionem diebus festis per ordinem ad actum audiendi Missam, & abstinendi a servilibus; nec etiam necessitas statuendi talem legem hoc exigit. Certum enim est, quod lex celebrandi festa ad auditio- nem concessionis non habeat se, sicut ad auditio- nem Missæ; hæc enim obligatio & in subditos, & in Curatos cadit absolute; cum quolibet festo celebrate teneantur, ut populus Missam audire valeat; non autem quolibet die concessionari, ut colligitur ex Trid. sess. 5. de reform. c. 2. & sess. 24. c. 4. ubi solùm in hac materia loquitur de diebus *Dominicis*, & *solemnioribus* festis.

821. Hinc quando in Apostolorum canone 10. dicitur, quod fideles, convenientes in solennitatibus Sacris ad Ecclesiam, & Scripturas Apostolorum, & Evangelium debeant audire, solùm procedit de his, quæ dicuntur in Missa, ad Epistolam, & Evangelium, quæ partes sunt extra substantiam *sacrificii*, & Missam integraliter, sicut dictum est de orationibus dici solitis in Sacramento; & cum dicitur in c. *Sacerdote*. 63. dist. 1. de *Consecrat.* excommunicandus, qui Sacerdote Verbum Dei in Ecclesia faciente, egressus fuerit de Auditorio, exponendum est de egressu graviter scandaloso, vel cum contemptu concionantis, tanquam minus liberati, ut notat gloss. in dict. c. *Sacerdote*, istud c. exponens

juxta c. *Sedula*. 12. dist. 38. ubi dicitur, *sedulo monendos Scholasticos*, ne contemnant Ecclesiasticam simplicitatem.

Dices. 1. q. 1. c. Interrogo Vos. 94. 822. dicitur, æquè servandum esse Verbum Christi, ac Corpus Christi; æquiparatur ergo Verbum Dei corpori Christi; & sensus est non minus peccare illum, qui negligenter audit Verbum Dei, quam qui indignè tractat corpus Christi: ergo etiam peccat omittens assistantiam Verbo Dei, quam omittens assistantiam corpori Christi; atqui hæc die festo est de præcepto; ergo & illa. Deinde auditio Missæ die festo est sub obligatione, ex cit. c. *missas*; ergo etiam auditio Verbi Dei patet conseq. nam auditio Verbi Dei est fidelibus maximè necessaria, c. *inter cetera*. 15. de offic. ordin. Demùm: Pastores animarum, quales sunt Episcopi, & Parochi obligati sunt concessionem habere diebus festis, in qua necessaria ad salutem Fidelibus proponant; ergo Fideles tenentur huic concessioni assistere; tum quia in illorum utilitatem Parochi, & Episcopi obligantur; tum quia frustranea esset obligatio Pastorum, si oves non tenerentur pabulum subministratum recipere; tum quia Trident. sess. 24. c. 4. de reformat. dicit, teneri unumquemque, Parochia sua interesse, ubi commodè id fieri potest, ad audiendum Verbum Dei.

Resp. ad 1. ex c. *interrogo Vos*, ibi non 823. in omnibus, sed tantum in hoc inter Verbum Dei, & Corpus Christi, fieri æquiparationem, quod neutrum debeat negligenter tractari, ne scilicet aliquid citra fructum pereat, ut notat gloss. ibid. in casu. Ceterum nullam ibi contineri obligationem, aut præceptum de assistentia præstanta Corpori Christi, vel Verbo Dei; quamvis dicatur, si hoc vel illud tractetur, tractandum æquali diligentia; accedit, quod textus ille non habeat vim canonis; cum solùm sit S. Augustini l. 50. homil. 26.

Ad c. *inter cetera*. Resp. verum esse, 824. quod inibi dicitur, *inter cetera*, quæ ad salutem spectant populi Christiani, pabulum Verbi Dei per maximè nosci necessarium, cum sit spiritualis cibus animæ; nullum tamen ibidem contineri verbum, quo concludi posset, ergo ex vi præcepti, cele-

celebrandi festa, fideles tenentur die festo audire concessionem; id enim etiam extra festa quandoque utilius praestari potest, quoad singulos, instructione privata. Ex ejus ergo necessitate ad salutem animæ solùm sequitur Fideles teneri ad ediscenda sibi necessaria; sed non, ex vi præcepti celebrandi festa.

825. Ad argumentum sumptum ex obligatione Curatorum, prædicandi Verbum Dei, solùm sequitur eos teneri omnibus ministrare illud animæ pabulum, quod est Verbum Dei, ne ulli excusationi locus sit; consequenter, si quis in particuliari non possit habere occasionem discendi, quæ scitu ad animæ suæ salutem necessaria sunt, teneri ea discere ex auditio Verbi Dei, necessitate proveniente ex lege, quâ quisque tenetur consulere suæ saluti; non autem per se, ex præcepto celebrandi festa.

826. Ad 4. Resp. ex vi præcepti celebrandi festa, non esse obligationem faciendi oblationes, constat ex consuetudine passim recepta, quin ullo textu, de sanctificatione festorum loquente, ulla obligatio probetur. Unde, quando in c. omnis Christianus. 96. dist. 1. de consecr. dicitur: omnis Christianus procurret ad missarum solemnia aliquid Deo offerre, & ducere ad memoriam, quod Deus per Moysen dixit: non apparet in conspectu meo vacuus; intelligitur solùm de consilio, seclusis illis oblationibus, quæ debitæ sunt in sustentationem Sacerdotis pauperis; sed sic obligatio non est ex vi præcepti celebrandi festa. Et quamvis gloss. ibi, V. Vattus, dicat: facere oblationes in diebus privatis, esse Consilium; sed in diebus festivis, esse præceptum; & ita videatur, quod oblationes sint ex debito exigendæ, & ad eas dandas parochiani sint cogendi; arg. 16. quaest. 1. c. statuimus, arg. contrà 12. q. 1. c. duo: Sed credo, quod si Sacerdos pauper est, potest eis divina officia subtrahere, nisi dent ei oblationes, ut extr. de sim. t. cum sit. 12. quaest. 2. statim tamen in Additione ibidem subiungitur: bene dicit, credo, secundum legem cuius fuit ista gloss. tota, & idem sentit H. qui dicit, quod non credit, quod oblationes, quæ voluntariè, vel ex devotione fiunt in

festis diebus, sint debitæ: & possint de jure peti: & idem sentit Frater Ray. Arch.

Ad 5. Resp. ex vi præcepti celebrandi festa, non dari obligationem ad exercendum dilectionem Dei, prout dicit actum formalis dilectionis, conditum à dilectione exercita, quæ fit per observantiam eorum, quæ illo præcepto formaliter præcepta sunt, juxta illud Christi, qui habet mandata mea, & servat ea, hic est, qui diligit me. Ratio autem est ex eo, quod nec jure divino, nec humano habeatur ex vi præcepti celebrandi festa, dari obligationem formalis dilectionis Dei; nam festa instituta sunt ad vacandum Deo non quibuscumque operibus exercendis, sed auditio missæ, & abstinentia à servilibus. Cæteri autem, et si valde laudabiliter fiant; at ex præcepto servandi festa, sub obligatione non sunt; ita S. Thomas. 2. 2. q. 122. a. 4. & alii. Idem ex iisdem rationibus dicendum venit de actu penitentie; nam etiam peccator præstare potest auditio missæ, & cessationem à servilibus, et si nihil de condigno mereatur, præceptum enim impletur positione actus præcepti, secundum quod est sub præcepto.

§. II.

De his, quæ prohibita sunt die Festo.

Tria sunt, quæ diebus festis interdicta sunt, opera servilia, mercatus, & placita; de quibus à n. 794. Potissimum difficultas in praxi est, dare regulam cognoscendi, ac distinguendi opera quædam, de quibus inter DD. convertitur, an sint servilia? an liberalia? quinque plerumque actiones numerantur, de quibus disceptatur, primum est scribere, vel transcribere lucri, & mercedis gratiæ; hoc enim plures summistæ annumerant operibus servilibus, ut videri potest apud Azor. p. 2. l. 1. c. 27. q. 1. Secundum est, pingere, quod saltem aliqui censem servile, propter infinitatem cum transcriptione, præser-

Dd 3

tim

tim si fiat lucri ; vel mercedis causâ. Tertium pariter dicunt servile, *lucri causa pescari, aucupari, venari*; ut vult Armilla, Angelus, Sylvester, & alii apud Azor cit. q. 7. Quartum est *præliari*, & servile esse docet Castropal. de *observ. fest. D. 2. p. 5. num. 11.* Quintum est, *iter agere*; hoc enim servilibus annumerat Cajetanus, Sotus, & Abulensis, apud Castropal. cit. n. 12.

§29.

Ad horum resolutionem, sicut in omni quæstione, statuenda est distinctio inter opus *servile*, ac *liberale* ex utriusque definitione: & quamvis nec in hoc punto consentiant Doctores; præ cæteris tamen reætius definiri videtur *opus servile*, quod proximè, ac immediate commoditati corporis inservit, & regulariter à servis præstari solet, seu in quibus unus homo alteri inservire solet, seu per ordinem ad quorum exercitium servos deputatos habemus; nam sunt quædam opera immediate commoditati corporis deservientia, quæ Dominis, & servis communia sunt, nec tamen passim habentur *servilia*: unde opus, quod proximè, ac immediate refertur ad instruendam mentem propriam, vel alienam, atquè adeo deservit animo, *liberale* dicitur; & sic utrumquè definire, videtur de mente D. Thomæ. 2. 2. q. 122. a. 4. & in 3. dist. 37. a. 5. q. 2. ad. 2. & tenet Castropal cit. p. 5. num. 1. videtur quæ ad mentem Ecclesiæ in festis prohibentis *servilia*, ut tali die major, & potior cura sit animi, quam commoditatis corporum, exceptis tamen quibusdam, quæ quotidianæ corporis necessitatibus danda sunt.

§30.

Ne autem in hoc fiat confusio, quando dicimus, *liberalia* esse, quæ immediate ordinantur ad animum; & *servilia* quæ ad corporis commoditatem, debere intelligi *de fine operis*, non autem ipsius *operatoris*. Communiter enim *finis operis*, ab operante ulterius dirigitur, ac in aliud finem (lucrum v. g.) ordinatur, qui finis est *finis operis* solum *extrinsecus*, & mediatus; nec in præsenti attenditur. Sic in omni arte, vel scientia practica, sumpta pro actibus regulantibus, seu ipsis regulis diligentibus operatorum, alias est *finis intrinsecus*, proximus, & adæquatus actuum regulantium; alias *regulatorum*; alias *operatoris*

ex direktione talium *regularium*, seu præceptorum talis artis, vel scientiæ practicæ. Certum enim videtur, finem intrinsecum, proximum, & adæquatum regulæ, seu præcepti, haberi formaliter solâ positione actus regulati, seu positione actus, secundum quod exigitur ab ipsa regula, & præcepto; hoc enim *præcisè* posito conquiescit regula, & satis fit adæquatè præcepto, v. g. de audiendo Sacro, de formaliter diligendo Deo; positâ enim auditione Sacri, vel dilectione Dei, prout oportebat ex præscripto regulæ, vel præcepti, adæquatè illi satisfactum est; ex quo aliquando in Philosophia docui, objectum proximum, & adæquatum artis acceptæ pro actibus regulantibus, esse ipsos actus regulatos prout oportebat ex præscripto regulæ positos; cum in qualibet scientia operativa, vel arte, finis proximus, & adæquatus idem realiter sit cum objecto illius proximo, & adæquato, seu opere artificiose per se intento. Cum autem ipsi quoque actus regulati, & ipse operans rursum habent alios fines, & objecta, non propterea finis istorum cum fine intrinseco actuum regulantium, & præceptorum confundi debet; his observatis:

Sequitur ex hoc, quod opus quoddam, 831. vel operatio, ex fine suo intrinseco, & immediato directè ordinanda ad instruendum animum (v. g. intellectum, voluntatem,) ex intentione operantis ordinatur, directè etiam in commoditatem corporis, v. g. ad acquirendum inde lucrum, non rectè inferri, tale opus exercitum *esse servile*; quia in ordine ad hoc non attenditur finis operantis, qui operi est extrinsecus; sed finis operis, is nimicum, in quem ipsum opus proximè, ac per se ordinatur. Et ideo, cum scribere, vel etiam transcribere, spectato fine suo intrinseco, & directo, ordinetur in bonum animi (nimicum ad scientiam, illuminandum intellectum, instruendum memoriam propriam, vel alienam; est enim quædam internorum mentis conceptuum notificatio, seu locatio) licet à scribente ordinetur ad lucrum, & mercedem exinde reportandam, per se loquendo non erit opus *servile*, ac die festo, ex vi præcepti celebrandi festum effa-

cessatione operum servilium, prohibitum. Dixi per se; nam per accidens quodvis opus liberale (in quantum impedit positionem actus, lege debitam (v. g. auditionem Sacri) indirecte prohibited est. Omnis enim lex positiva, directe praepiens positionem alicujus actus, indirecte prohibet exercitium incompossibile cum positione actus pracepti. *Scribere* igitur, aut etiam *transcribere*, licet causa lucri, non est opus servile; & ita tenent; *quoad scriptio*nem Suarez tom. I. de relig. l. 2. c. 24. Fagundez in V. praecept. Eccles. l. 1. c. 11. à n. 3. & alii; *quoad transcriptionem*, Bonacina in 3. praecept. Decalog. q. unic. p. 2. num. 25. *quoad utrumque* Castropal. cit. à n. 3. cum pluribus aliis.

832. Actionem *pingendi* (estò etiam non sit causa lucri) de se servilem esse, probabilius tenet Suarez cit. tom. I. l. 1. c. 26. Fagundez, Bonacina. & alii; cùm proximè ordinetur solum ad assimilacionem ejus, quod imitandum est; quin per hoc directe, ac immediatè queratur instructio mentis, vel excitatio memoriae, licet per accidens contingat; & potius tendat ad oblectationem corporis per visum. Et quamvis quandoque exercetur etiam ab Illustribus, causâ recreacionis, vel otii pellendi; ex hoc tamen non sortitur, quod directe intendat bonum mentis proximè; præsertim, cùm regulariter, & de se fieri soleat solum ab his, qui alieno servitio destinati sunt per opera sua.

833. *Piscationem*, *Acupationem* vel *Venationem* esse opus servile, tradit Suarez cit. tom. I. l. 2. c. 28. à num. 3. & alii; nam istæ actiones de se proximè ordinatae sunt in bonum corporis; idem tenet de bello D. 13. seet. 7. cùm sit actio de se mere corporalis, & in corporis commoditatem; non tamen, *iter agere*; ita Suarez cit. c. 27. nam *iter agere* curru, vel equo, de se non ordinatur proximè in corporis commodum, nec regulariter per servos exerceri solet; sic etiam Castropal. & apud illum alii. p. 5. à n. 9.

834. Not. tamen, quasdam actiones, licet serviles, inducta jam consuetudine permitti etiam in festis, necessitate etiam id exigente; in his numeratur præliatio,

præsertim Missâ prius auditâ; in bello enim defensivo æquè, ac offensivo, tales opera revera multum necessariae; propter quod excusantur etiam servi ad eum finem conducti pro eruendis fossis, faciendis vecturis, &c. ita Suarez cit. D. 13. seet. 7. n. 24.

Similiter excusant venationem, aucupationem, piscationem, idque ratione consuetudinis, ubi recepta est; sic Toleatus l. 1. c. 24. Suarez cit. l. 2. de festis. c. 28. num. 5. Fagundez, & alii. Unde, quando in c. licet, de Feriis, halecum piscatio die festo Parochianis Archiepiscopi Triburiensis indulta fuit, non tam fuit dispensatio, quam declaratio, quod stante necessitate, quam allegabant, profacienda tali die capture, ceteris non opportuna, illa actio, quantumvis de se servilis, non veniat sub lege. Hinc etiam in itineribus distinguendum est, præsertim quod vecturas, quæ sunt per currus. Istæ enim, quæ sunt necessitate itinerantium, consuetudine jam receptâ permittuntur; aliæ sunt, quæ directe spectant corporis commoditatem, ut sunt vecturæ lignorum, fæni, &c. Similes revera serviles sunt, nec die festo permisæ, in qua re plurimum nunc pendet ex usu diversarum Regionum non improbato per Ecclesiasticos, quibus curæ est, observantiam Festorum tueri.

Quæ porro veniant nomine mercatus, exposuimus n. 795. illum videtur Castropalaus cit. D. unica, de observat. fest. p. 6. num. 5. annumerare operibus liberalibus; certum tamen est, potiori parte tendere ad corporis commoditatem, & plurimum exerceri, in Nundinis saltem minotibus, à mechanicis, & opificibus; quamvis, ubi sunt Nundinæ solennes, potiori parte Mercatorum, celebrentur per homines non mechanicos, quales censeri non possunt Mercatores grandium quandoque merciutini.

Communis cæteròquin regula est, 837. opera liberalia die Festo licite, valideque fieri, exceptis paucis expressis à jure, mercatus nimirum, & fori, seu judicialium, de quibus c. I. b. t. ibi: omnes dies Dominicos à vespera in vespere, cum

cum omni veneratione decernimus observari, & ab omni illico opere abstinerere: ut in eis mercatus minimè fiat, nequè placitum: nequè aliquis ad mortem, vel ad pœnam judicetur, nec Sacra menta (nisi pro pace, vel alia necessitate) praæstentur. & c. fin. eod. ubi tamen semper additur limitatio, quando vel servilia, vel etiam alia prohibentur, ut in dict. c. i. nisi pro pace, vel alia necessitate fiant; c. 3. eod. ibi: eorum captioni ingruente necessitate intendere; c. fin. eod. ibi: nisi necessitas urgeat vel pietas, ubi sermo est de operibus judicialibus.

Q. III.

De operibus judicialibus prohibitis die Festo.

338. **Q**uestio 1. est, de citatione, in quantum explicat mandatum Judicis de citando Reo, ac ejus executione; illam porrò sic acceptam die festo non modò illicitam, sed etiam invalidam esse, communis tenet. Loquimur autem de festis, prout explicant dies feriatis, seu festivos legitimā Ecclesiæ autoritate ad Dei, & Sanctorum venerationem inductos; ratio sumitur ex c. fin. h. t. ubi Gregorius IX. recensitis præcipuis diebus feriatis (etiam annumerando illos, quos Ordinarii locorum in suis Diocesisibus duixerint cum Clero, & populo solenniter venerandos) subjungit: quibus utique solemnibus feriis (nisi necessitas urgeat, vel pietas suadeat) usquè adeo convenient ab hujusmodi abstinere, ut consentientibus etiam partibus, nec processus habitus teneat, nec sententia, quam contingit diebus hujusmodi promulgari. Licet diebus feriatis, qui gratia vindemiarum, vel Messium, ob necessitates hominum, indulgentur, procedi valeat, si de partium processerit voluntate.

339. Et quamvis in hoc allato textu explicitè solùm loquatur Pontifex de processu, & sententia judiciali; prohibitionem tamen annullativam fecus gestorum procedere de omni actu jurisdictionis con-

tentiose, celebrato tali festo, constat ex initio ejusdem c. fin. ibi: quamvis non prorogari, sed expediri deceat quæstiones; debet tamen judicialis strepitus, diebus conquiescere feriatis, qui ob reverentiam Dei noſcuntur esse statuti, quibus post enumeratos dies illos (inter quos etiam expressè veniunt dies feriati in honorem Sanctorum) subjungit dictam clausulam irritantem; nec dubium est, citationem pertinere ad judicium, processum, seu actus jurisdictionis contentiose, ut constat ex hac tenus dictis; ergo facta die festo illicita est, & nulla; consequenter perinde, ac si facta non esset, in ordine ad effectus juris, quos legitimè ceteròquin facta patit.

Ex hac decisione c. fin. deducitur, 840 omnes actus jurisdictionis contentiose, diebus Feriatis in honorem Dei, & Sanctorum, seclusa necessitate, vel pietate celebratos, esse prohibitos non utcunquè, sed irritante ipso jure, ibi: nec processus teneat, nec sententia; adeoque etiam receptionem, & examinationem testimoniū, sub qua t. venit interpositio jurjurandi, de quo c. i. h. t. ibi: nec Sacra menta praæstentur; 2. ipsa depositio testimoniū; quia revera pertinet ad substantiam judicii, & processus; & sit auctoritate Judicis eam exigendo, & exhibendo, ut tradit Suarez tom. 1. de Relig. c. 2. de festis. c. 30. num. 16. Fagundez in precept. Eccles. l. 1. c. 13. numer. 16. & alii. Nam licet Sacri canones supr. cit. non omnem partem processus die Festo celebrati nullent, sed eam tantum, quæ contentiosem auctoritatem Judicis imbibit; hoc tamen ipsum cadit non modò in juramentum (nam hoc denotant verba: judicialis strepitus; hoc est, actus contentiose, ac judiciariae jurisdictionis) sed etiam depositionem testimoniū die Festo.

Deducitur. 2. oblationem libelli praecise, factam ab Actore, die Festo, nec invalidam, nec illicitam esse; cùm nec sit actus judicialis (utpote antecedens citationem, à qua primum incipit judicium minus strictè sumptum; nec imbibat contentiosam Judicis auctoritatem; sed sponte fiat ab Actore, nullo judi-

judiciale actū provocato; sic Fagundez
cit. l. 1. c. 13. n. 21. & alii.

Deducitur 3. sententiam Judicis inter partes, quæ supponit præviā causæ cognitionem, latam die festo (prout hīc de festis agitur) & illicitam, & nullam esse; quia sic revera imbibit strepitum forensēm, seu jurisdictionem Judicis contentiosam; secus, ubi non exigit judiciale causæ cognitionem, propter rationem contrariam; sic Azor. p. 2. l. 1. c. 27. q. 22. Suarez cit. l. 2. c. 30. n. 9.

Deducitur 4. id procedere de sententia judiciali inter partes cum cognitione causæ, non tantum in causa criminali, sed etiam civili, imò & spirituali. Textus enim c. finalis indefinite loquitur de qualibet sententia, quæ fertur ex processu cum strepitu forensi, seu judiciali; sic Castropalaus de observantia Festorum, D. unica, p. 7. n. 10.

Dices; ergo nec valebit sententia censuræ lata die festo. Resp. affirmativam teneri ab Antonio Butrio in c. ult. de Feriis, cùm omnis vox Judicis silere debeat in talibus feriis, L. ult. C. de Feriis; negari verò à Castropalaus cit. n. 11. & aliis, voluntibus c. fin. non intelligi de sententiis à delicto removentibus; & non punitivis, sed medicinalibus; nec denique illis, quæ sunt solum Superioris medentis, non judicantis.

842. In hac quæstione suppono, sermonem esse de sententia censuræ lata ab homine, non à jure; quo posito dist. illatum: ergo nec valebit sententia censuræ, lata die festo, quæ non prærequirit causæ cognitionem, C. secus, N. illatum. Ad rationes in contrarium Resp. quamlibet sententiam, quæ poenam aliquam infligit, tendente ad removendum à delicto; & non semper ex fine suo intrinseco, & immediato; & mihi probabilius videtur sententiam censuræ sive à jure, sive ab homine latam, ex fine intrinseco legis, aut sententiæ, esse punitivam; ac medicinalem solum ex fine Legislatoris, vel censurantis; qui est finis extrinsecus legis, vel sententiæ. Hinc pariter negandum venit, sententiam censuræ, latam præviā cognitione causæ, non esse Judicis judicantis.

843. Deducitur 5. executionem sententiæ sive criminalis, sive civilis, factam die festo, & illicitam, & invalidam esse; cùm

sit actus, & complementum strepitū judicialis, imbibens jurisdictionem contentiosam Judicis; Felinus in c. fin. de Judiciis n. 13. Suarez cit. c. 30. n. 11. Nec obstat ratio Panormitani, contrarium sententis in c. fin. de Feriis, & c. fin. de judic. quia licet *executio* pertineat ad Ministros Judicis, & hic functus sit officio suo in pronuntiando; finis tamen judicii, prout pendet à jurisdictione Judicis, non habetur simpliciter sine executione; cùm hæc non fiat juridicè, nisi ut pendens à Judicis jurisdictione contentiosa. Not. autem, quando dicitur, *talem executionem esse irritam*, ac nullam, debere intelligi, quando consistit in facto, quod revocari potest, saltem quoad effectus juris, quos cæterò quin pareret, si valida foret, non obstante, quod infirmari possit.

Magis controversum est, an actus applicationis, die festo interpositus sit licitus, & validus? Rationes negandi, propositas ab aliis, assert Castropalaus cit. n. 13. & sunt lequentes; primò, quia appellatio judicialis est pars processus; sed processus habitus die festo non tenet; ergo neque appellatio. Secundò, pertinet ad strepitem judicii; cùm suspendat jurisdictionem in Judice à quo, & firmer in Judice ad quem. Tertiò, prosequi applicationem in die festo illicitum est, ex L. 1. C. de Feriis; ergo à fortiori illam statuere: Quartò, cùm proponitur Judicii appellatio, ipse cognoscere debet, an justa, & legitima sit? ut hac ratione à cognitione causæ abstineat; sed totum hoc pertinet formaliter ad strepitem judiciale; ergo. Quintò, nullo jure habetur, applicationem judiciale licitam, & validam esse; ergo absque fundamento affirmabitur. Sextò, quia nulla excogitari potest necessitas interponendi die festo applicationem; cùm ad appelandum decem dies concedantur, in quibus, moraliter loquendo, plures profestū sunt.

His tamen rationibus responderi potest; & quidem ad. 1. dicendo, non omnem partem processus prohibiti die festo, esse prohibitam, sed solum eam, quæ vel est exercitum jurisdictionis contentiose, vel eam imbibit; sic oblatio libelli, esto fiat in ordine ad processum, licita est die festo, quia tamen est actus, qui secundum se non est exercitum jurisdictionis;

nec eam imbibit, non est strictè judicialis; appellatio autem similiter est solum actus justæ defensionis, in quantum præcisè importat provocationem ad altiorem Judicem; & ideo etiam in L. I. C. de Feriis, conceditur, in feriis tam repentinis, quam solemnibus; ergo ab ipso jure agnoscitur non esse actus, qui nomine *judicialis strepitus* veniant sub lege prohibente.

§46.

Ad 2. Resp. verum esse, appellatione interpositâ suspendi appellationem Judicis à quo, non ab ipso appellante, vel ejus appellatione; sed à lege tunc ligante manus talis Judicis; ex hoc autem non sequi, esse actum judiciale, licet fiat in iudicio; hinc habet se ad similitudinem recusationis Judicis, quæ, in quantum importat merum actum recusandi, non videtur inhiberi die festo. Ad 3. Resp. C. antecedens; nam hæc prosecutio sine strepitu judiciali fieri non potest; secus appellatio; sic prosecutio petitionis in libello prohibita est, quin prohibita sit oblatio libelli.

§47.

Ad 4. Resp. 1. non deesse, qui existiment cognitionem Judicis, num appellatio interposita sit legitima? venire sub proibitione, ubi necessitas exigit; etiam die festo appellationem interponi, urgente nimis justa defensione. Resp. 2. dato illam cognitionem prohiberi; non propterea exinde prohiberi merum actum provocandi; instantia est ex oblatione libelli die festo licita, & valida, quin licet ulterius ex eo Judex procedat ad causæ cognitionem, vel citationem partis. Ad 5. Resp. sufficere, quod nullo jure doceatur efficaciter interdicta; & valere, licetque ostendi potest ex L. I. C. h. t. quam legem jus Canonicum recepit. Ad 6. Resp. plures esse titulos necessitatis, vel pietatis; ut si appellans non possit diutius abesse; si sit pauper, vel alias statim Victor procederet ad executionem; &c.

§48.

Ex his dicendum videtur, et si opinio negantium appellationem die festo esse validam, & licitam probabiliter procedat, affirmantum tamen, satis communem, non minus probabiliter teneri, in quantum loquitur de solo actu appellandi; & ita tenet gloss. in c. fin. de Feriis, Panormit. & Felinus, ibid. aliquè complures, cum Haunold. tom. 5. tract. 3. n. 214. q. appellationem.

Not. præterea, quando hic dicimus actus judiciales die festo exercitos esse illicitos, ac invalidos, nos loqui de festo, prout explicat Ferias Sacras, in choro, & foro celebrandas cum obligatione audiendi eo die Missam; adeoque non de feriis, etiam Ecclesiasticis, quibus solum interdicitur Nuptiæ cum solennitate; nec de feriis repentinis (de quibus n. 793.) si actus judiciales in illis celebrentur de consensu partium; tunc enim non celebrantur invalidè; secus, si una parte invitata, ut habetur L. 6. ff. h. t. ibi: si feriatis diebus fuerit judicatum, lege cautum est, ne his diebus judicium sit, nisi ex voluntate partium, & quod aliter adversus ea judicatum fuerit, ne quis judicatum facere cogat.

Not. 2. idem, quod de feriis repentinis dictum est, teneendum de feriis rusticis; ex L. I. ff. eod. ibi: ne quis messem, vendemiarumque tempore Adversarium cogat ad judicium venire, oratione Divi Max. exprimitur; quia occupati circa rem rusticam in forum compellendi non sunt. Sed si Prætor aut per ignorantiam, vel socordiam evocare eos perseveraverit, hique sponte venerint, si quidem sententiam dixerit presentibus illis, & sponte litigantibus, sententia valebit, tametsi non recte fecerit, qui eos evocaverit; excipe tamen certas causas, quibus cogi poterimus, & per id tempus, cum messes, vendemiarumque sunt, ad Prætores venire, scilicet, si res tempore peritura sit, hoc est, si dilatio actionem sit pereemptura. Sanè, quoties res urget, cogendi quidem sumus ad Prætorem venire; Verum ad hoc tantum cogi æquum est, ut lus contestetur.

Not. 3. quæ diximus invalidè, ac illicite fieri quoad strepitum judiciale, procedere quoque de Arbitro; qui nimis jure datur, & procedit instar Judicis; secus de Arbitratore solum rogato à partibus pro amicabili compositione, hoc enim fit sine interventu, sine ullo iudicio, ordinario, vel delegato; ita communis;

Not. 4. actus illos illicitos, & invalidos, excusari à culpa, & nullitate, si fiant die festo, causâ necessitatis, vel pietatis, ut liquet ex facta exceptione per ipsum jus apposita in n. 850. Exempla sunt; si periculum sit in mora, si personæ sint miserabiles, pupilli, vel causæ celeritatem exigentes;

tes; id, quod determinare, relinquitur arbitrio prudentis, & periti Judicis; hinc nomine necessitatis venit periculum temporalis damni privati, vel publici, L. 1. §. sed excipiuntur. ff. de Feriis, ibi: *se res tempore peritura sit, &c. de quibus V. Castropal. tit. de observat. festorum D. unica. p. 7. num. 17.* ubi tamen nota, ut causa necessitatis, vel pietatis, seu religionis excuset, causam debere, *esse certam*, ut prævaleat in casu legis certæ.

853. Not. 5. in quæstione, an quæcunque jura menta in c. 1. h. t. die festo prohibita sint? affirmari à Panormit. in dict. c. 1. n. 8. sed intelligendum de solis juramentis judicialibus tradi à Cajetano 2. 2. q. 122. a. 4. §. secundum; medium sententiam rectius teneri à Suarez l. 2. de festis. c. 30. n. 17. dicente, prohiberi omnia, & solajudicialia, & firmantia, seu adjecta contradicibus prohibitis; nam cum judicialia, & mercatus tali die æquè vetita sint, etiam ea prohibita consequenter censeri debent, reliqua in eorum firmatatem.

854. Not. 6. dubitari, an Iudex die festo licet, ac validè det mandatum executionis post jam latam sententiam? fieri posse etiam ipsam executionem in feriis repentiniis, & rusticis, censet Haunoldus cit. n. 220. imò & Sacris, si non requiritur causa cognitio, Abbas in c. fin. h. t. n. 20, sed etiam solum mandatum faciendi executionem est exercitum jurisdictionis contentiose; quamvis aliqui velint, non interdici quodvis exercitum hujus jurisdictionis; sed tantum judiciale, quod etiam domi potest fieri, ut mandatum citationis.

855. Not. 7. specialiter etiam controverti, an valeat citatio, mandata quidem, & facta in die festo, sed in diem non festum? 2. si etiam in diem feriatum? In primo casu valere talem citationem, si non referatur ad diem festum, nisi terminum extrinsecum v. g. ad diem dominicum exclusive, tradit Haunold. rit. num. 223. in secundo casu, valitram affirmat innocentius c. fin. h. t. sic, ut non quidem teneretur citatus adesse ipso die festo, sed proximo non festo, quin ex hoc haberi posset contumax.

Secunda sententia, simpliciter negat valere; tertia distinguit, & negat valere, Tom. II.

si dies festus specificè exprimatur v. g. proximo die Dominico, vel proximo f. s. B. V. Annunciata: affirmat valere; si dies festus non exprimatur specificè, sed v. g. solùm tali die mēnsis, esto contingat, eo die esse diem festum, ut si iubetur adesse 25. Nov. & in eo loco festum S. Catharinæ sit festum; sic tamen, ut ad declinandam contumaciam sufficiat, quod citatus adsit proximo die non festo; Secunda opinio tribuitur Fagnano; tertia, Zoëlio h. t. n. 16. & Ant. Perez in Cod. h. t. n. 9. quorum ratio est, quod talis citatio valeret, cum expressione, quod si expresso tali die continget, esse festum, compareat proximo non festo; at, etiam hac expressione non facta præsumitur ex intentione citantis eadem conditio; ne præsumamus eum velle contra legem agere; ergo.

ARTICULUS IV.

De reliquis pertinentibus ad hunc titulum.

Prima quæstio fieri potest occasione 856. dictorum de feriis, qualiter accipiendo sit *initium*, & *finis* Festorum, ut sciatur tempus, intra quod cessandum, vel extra quod vacari possit servilibus; hanc quæstionem Archiepiscopus Terdonensis proposuit Alexandro III. ut habetur c. 2. h. t. cui idem Pontifex respondit: *licet scriptum sit, de vespera in vesperam celebrabit Sabatha vestra: festorum tamen principium, & finis juxta eorum qualitatem, & diversarum regionum consuetudinem debet attendi: & si- cut magnitudo dierum exigit, prius incipere, & tardius terminari;* & c. 1. eod. ibi: *omnes dies Dominicos à vespera in vesperam*, cum omni veneratione decernimus observari; hinc dubitari potest, an modus incipiendi, & terminandi festa, vel diem Dominicum, sit juris divini, vel tantum Ecclesiastici? affirmativam quo ad primum sequitur Panormitanus hic; Sylvester autem V. *Dominica q. 2.* hoc restringit ad sola festa primæ Classis, quales sunt Dominica, Natalis Domini;

Ecc.

Epi.